

आकाशवाणी

खबरां पूजा वजीर कोला

1. विधानसभा चुनावं दे नतीजें दी पच्छिम बंगाल, तमिलनाडू ते केरलम च सरकार बनाने आस्तै राजनीतिक उथल-पुथल शुरू।
2. प्रधानमंत्री नरेंद्र मोदी होरें संयुक्त अरब अमीरात दे फुजाइराह पर हमले दी निंदा कीती जेदे च 3 भारती जखमी होई गए न। मोदी होरें पच्छिम एशिया च शांति ते स्थिरता दी बहाली आस्तै गल्लबात ते कूटनीति दा रस्ता अपनाने आस्तै आखेआ।
3. अमरीका ते ईरान आसेआ खाड़ी च हमले शुरू, दवें धड़े Strait of Hormuz पर कब्जे लेई मामने-सामने।
4. विदेश मंत्री एस. जयशंकर होरें जमाइका दे विदेश मंत्री कामिना जे स्मिथ हुंदे कन्नै गल्लबात कीती, दवें मुख्यें बशकार मजबूत आर्थिक सांझेदारी पर जोर पाया।
5. शिक्षा मंत्री धर्मेन्द्र प्रधान होरें देश च इक मजबूत अनुसंधान ते नवाचार पारिस्थितिकी तंत्र दे निर्माण दी जरूरत पर जोर दिता।
6. IPL क्रिकेट च दिल्ली कैपिटल्स दा मुकाबला अज्ज संझा चेन्नई सुपर किंग्स कन्नै होग।

<><><><><><>

पच्छम बंगाल विधानसभा चुनां च भारती जनता पार्टी दी शानदार जित दे परेंत राज्य च नमीं सरकार दे गठन ते सगंध चुक्कने आहले समारोह दी तैयारियां जोरें-शोरें कन्ने चला'रदियां न। नमें मंत्रिमंडल दे सदस्यें दा सगंध चुक्कने आहला समारोह 9 मई गी होने दी मेद ऐ, इस्सै दिन गुरुदेव रविंद्रनाथ टैगोर हुंदी जयंती ऐ। प्रधानमंत्री नरेंद्र मोदी ते गृह मंत्री अमित शाह हुंदे समारोह च हिस्सा लैने दी मेद ऐ।

<><><><><><>

BJP-Observers

भारती जनता पार्टी नै पच्छम बंगाल च विधायक दल दे नेता दे चुनां आस्तै सीनियर पार्टी नेता ते केंद्री मंत्री अमित शाह होरें गी केंद्री पर्यवेक्षक नियुक्त कीता ऐ। ओडिशा दे मुख्यमंत्री मोहन चरण मांझी होरें गी राज्य च केंद्रीय सह पर्यवेक्षक नियुक्त कीता गेआ ऐ। तोआई, असम च विधायक दल दे नेता ते चुनां लेई केंद्री मंत्री जे.पी नड्डा होरें गी केंद्री पर्यवेक्षक ते हरियाणा दे मुख्यमंत्री नायब सिंह सैनी होरें गी केंद्री सह पर्यवेक्षक बनाया गेआ ऐ। इनें नाएं गी भारती जनता पार्टी संसदीय पर्यवेक्षक बोर्ड नै मंजूरी दिती ऐ।

<><><><><><>

Govt. formation TN Keralam

तमिलनाडू ते केरलम च सरकार बनाने आस्तै उथल-पुथल शुरू होई गई ऐ। तमिलनाडू च अभिनेता थमां राजनेता बने दे सी. जोसेफ विजय हुंदी तमिलागा वेत्री काजागाम राज्य च इक्कली पार्टी ऐ जिन्नै 108 सीटें पर जित हासल कीती ऐ। पार्टी दे विधायकें विजय होरें गी विधायक दल दा नेता चुनेआ ऐ। पहली बारी चनोए दे पार्टी सदस्यें च खासा जज्बा ते जोशदा दिक्खने गी लब्बा। आकाशवाणी कन्नै खास गल्लबात च नमें चुनोए दे सिवाकासी थमां विधायक कीरथाना होरें आखेआ जे ओह पार्टी दे घोशणा पत्र च कीते गेदे वादें गी पूरा करंगन। 234 सदस्यें दी विधानसभा च सत्ताधारी डीएमके गी 59 सीटें थोइयां। आल इंडिया अन्ना द्रविडा मुनेत्रा कजाहगम गी 47 सीटां हासल होइयां न। टीवीके प्रमुख सी. जोसेफ विजय होर पेरंबूर ते तिरुचि दवें सीटें पर जिती गए न। तोआई सत्ता छोड़ा रदे मुख्मन्त्री एम.के स्टालिन होरें अपना इस्तीफा राज्यपाल होरें गी सौंपी दिता ऐ जिसी मंजूर करी लैता गेआ ऐ। केरलम च कांग्रेस, यूडीएफ बी सरकार बनाने आस्तै अनौपचारिक चर्चाएं च लग्गी दी ऐ।

<><><><><><>

PM UAE-Attacks

प्रधानमंत्री नरेंद्र मोदी होरें संयुक्त अरब अमीरात दे फुजाइराह पर हमले दी निंदा कीती ऐ जेदे च 3 भारती जखमी होई गए न। इक सोशल मीडिया पोस्ट च मोदी होरें आखेआ

जे नागरिकें ते ढांचे पर हमला मंजूर नेई ऐ। उनें आखेआ जे भारत संयुक्त अरब अमीरात कन्ने ऐ ते हर मसले गी शांतिपूर्ण तरीके कन्ने कूटनीति ते गल्लबात राएं हल करने च भारत पूरा सहयोग देग। जंदे कल फुजाहराह पेट्रोलियम इंडस्ट्रीज जोन च अगग लग्गने करी 3 भाती घायल होई गए हे। एह् अगग ईरान बक्खिया ड्रोन हमले दे बाद लग्गी ही।

<><><><><><>

WB-Mamta

पच्छिम बंगाल दी मुखमंत्री ममता बनर्जी होरें अपने पद थमां इस्तीफा देने थमां इंकार करी दिता ऐ ते आखेआ जे हाल च गै होए दे चुनाएं दे नतीजें दी पछोकड़ै च ओह् इस्तीफा नेई देडन कीजे उंदा मनना ऐ जे जोर-जबरदस्ती कन्ने वोटें दी चोरी होई ऐ ते पूरी मतदान प्रक्रिया स्हेई नेई ही। कोलकाता च संवाददाताएं कन्ने बोलदे होई उनें पक्का भरोसा दोआया जे उंदी पार्टी नेई हारी दी ऐ। उनें चुनां आयोग पर इक पास्सै होने दा आरोप लाया ते आखेआ जे एहदे कन्ने भारत दे प्रजातांत्रिक इतिहास च इक काला अध्याय शमल होआ ऐ।

<><><><><><>

Vietnam-President Visit

वियतनाम दे राष्ट्रपति टो लम होर अपने भारत दे त्रै ध्याड़े दे दौरै आस्तै अज्ज बिहार दे बोधगया पुज्जे। उंदा सोआगत बिहार दे मुखमंत्री सम्राट चैधरी होरें कीता। अपने दौरै दरान टो लम होर महाबोधी मंदर च पूजा अर्चना करंगन जिसी यूनेस्को विश्व धरोहर थाह दा दर्जा हासल ऐ। बोधगया च स्थित वियतनाम दी मोनास्ट्री च बी जाने दा उंदा कार्यक्रम ऐ। एहदे मगरा वियतनाम दे राष्ट्रपति होर नमीं दिल्ली औडन। कल राष्ट्रपति टो लम हुंदा रिवायती सोआगत राष्ट्रपति भवन च कीता जाहग। ओहदे मगरा प्रधानमंत्री नरेंद्र मोदी होर राष्ट्रपति टो लम हुंदे कन्नै दपक्खी रिश्ते, क्षेत्रीय ते अंतरराष्ट्री मुद्दें पर चर्चा करडन।

<><><><><><>

US-Iran Attacks

अमरीका ते ईरान नै खाड़ी च इक-दुए पर हमले कीते जेदे कन्नै स्ट्रोट आफ होमुर्ज दे नियंत्रण सरंबधी तनाव बदी गेआ ऐ ते युद्ध विराम खत्म होंदा लब्बा'रदा ऐ। दो अमरीकी नौसेना नियंत्रित मिसाइलें स्ट्रेट आफ होमुर्ज ते यू.एस.एस मानसून अपाचे हेलीकाप्टरें ते दुए ब्हाई थानें च उस्सलै अगग लगगी गई जिसले ओह निक्की नौकां, मिसाइलें ते ड्रोन कन्नै टकराए। तोआई, तनाव स्ट्रेट शा बद्द इलाकें च फैली गेआ ऐ।

<><><><><><>

Jaishankar

विदेश मंत्री डा. एस जयशंकर होरें अज्ज आखेआ जे विकास आधारित सहयोग भारत जमायका बशकार सांझेदारी दा मुख स्तम्भ ऐ। डा. जयशंकर होर जमायका दे विदेश मंत्री कामिना जानसन स्मिथ ते दुए कैबिनेट मंत्रिं कन्नै मिलने दे मगरा मीडिया गी संबोधित करा' रदे हे। मंत्री होरें आखेआ जे गल्लबात सार्थक रेई जेदे च दपक्खी रिश्ते दे सारे पहलुं बारै चर्चा कीती गई ते आपसी सहयोग बढ़ाने आस्तै नमें क्षेत्रें गी तालने बारै बी गल्ल कीती गई।

<><><><><><>

IMF-Global Economy

अंतरराष्ट्री मुद्रा कोष नै आखेआ ऐ जेकर पच्छिम एशियाई संकट 2027 धोड़ी चलदा ऐ ते वैश्विक अर्थ बवस्था पर बड़ा माड़ा असर पौग ते तेल दे भाह 125 डालर प्रति बैरल पुज्जी जाहग। अंतरराष्ट्री मुद्रा कोष दे प्रबंध निदेशक Kristalina Georjeva होरें आखेआ ऐ जे लंबे चला' रदा वैश्विक संकट करी तेल दे भाह 100 जां 100 डालर प्रति बैरल पुज्जी गए न ते बढ़दी महंगाई कन्नै आई.एम.एफ गी बी नुकसान होआ ऐ। ऐसे हालातें दे चलदे 2026 च वैश्विक बाढ़ा 2.5 फीसदी थल्ले आई जाहग ते महंगाई 5.4 फीसदी बढ़ी जाहगं



Govt. LPG

सरकार दा आखना ऐ जे पूरे देश च एलपीजी आबंटन सरबन्धी कोई कमी नेई ऐ ते पच्छिम एशिया च बदलदे हालातें दे बश्कार पेट्रोलियम उत्पादें ते एलपीजी दी बगैर कुसा रूकावट दे आपूर्ति गी पक्का करने आसतै जत्न कीते जा'रदे न। जंदी दपैहरी नमीं दिल्ली च अंतर मंत्रालय वार्ता दरान अधिकारिएं बसनीकें गी आखेआ जे ओह अफरा-तफरी च पेट्रोल, डीजल ते एलपीजी दा खरीदन ते सेही जानकारी आस्तै विश्वसनीय सूत्रें पर गै भरोसा करन। पूरे देश च एलपीजी दी आनलाइन बुकिंग 99 फीसद धोड़ी बढ़ाई दिती गेई ऐ ते कमर्शियल एलपीजी दी आपूर्ति गी 70 फीसदी रखेआ गेआ ऐ।



GoC-Basantgarh Visit

व्हाईट नाइट कोर दे जीओसी लेफ्टिनेंट पी.के मिश्रा होरें जीओसी सी.आई.एफ डेल्टा हुंदे कन्नै अज्ज उधमपुर जिले दे बसंतगढ़ दे जनरल इलाके दा दौरा लाया ते मौजूदा सुरक्षा हालात ते कारवाइएं सरबन्धी तैयारियें दा जायजा लैता। इस मौके उनेंगी बलें दी तैनाती,

निगरानी प्रणाल ते आपात कारवाइएं बारै जानकारी दिती गई। इस दौरै च सुरक्षा एजेंसिएं बशकार तालमेल गी बेहतर बनाने ते समूलची सुरक्षा बवस्था गी मजबूत करने पर ध्यान केंद्रित कीता गेआ। सेना नै इस गल्लै पर जोर दिता जे इस खेतर च स्थिरता बनाई रखने ते अंदरूनी इलाकें गी सुरक्षित बनाने लेई लगातार सतर्कता ते इकजुट जत्न जरूरी न।

<><><><><><>

JK Agri Trains

बागवानी सैटर गी बढ़ावा देने दे मकसद कन्नै उत्तर रेलवे खराब होने आहले फसलें गी मुख्य भरै दे बजारें तगर पजाने लेई एयर कंडीशन्ड माल ढोआई आहली रेल गड्डियां शुरू करने आस्तै विचार कारदा ऐ। आकाशवाणी जम्मू दे संवाददाता नै जानकारी दिती ऐ जे इस पैहलकदमी दा मकसद सेअऊएं ते चेरी ज्नेह उत्पादें लेई कोल्ड चेन लाजिस्टिक्स गी मजबूत करना ऐ। तापमान नियंत्रित पारगमन कन्नै फलें दे घट्ट खराब होने ते शेल्फ लाइफ बधने दी मेद ऐ। तेज रेल परिवहन कन्नै करसानें गी दूर-दूरेडे बजारें तगर पुजजने ते वाजिब मुल्ल हासल करने च मदद थहोग। इस गैह गी आपूर्ति श्रृंखलाएं गी आधुनिक बनाने ते उत्पादकें दी औंदन च स्थिरता आहनने दी दिशा दे तौरा पर दिक्खेआ जा'रदा ऐ।

<><><><><><>

CM-Meeting

मुख्यमंत्री उमर अब्दुल्ला होंरें सिविल सचिवालय श्रीनगर च इक उच्च सतह दी बैठक लाई। इस दरान 2026-27 आहले बजट दी घोशणाएं दी अमलावरी दा जायजा लैता गेआ। बैठक दौरान मुख करी ध्यान जम्मू-कश्मीर च चलाई जारदी भलाई बेहतरी आहली स्कीमें पर दिता गेआ। उपमुख्यमंत्री, सारे मंत्रियें, मुख्यमंत्री हुंदे सलाहकार, मुख सचिव ते प्रशासनिक सचिवें बैठक च हिस्सा लैता। इस दरान मुख विकास परियोजनाएं दी रफ्तार ते होर दुए सरिस्ते पर बी चर्चा होई। इस दरान जमीनी सतह पर सरकारी जत्नें दी अमलावरी पर बी चर्चा कीती गई।

<><><><><><>

LG-Drug

उपराज्यपाल मनोज सिन्हा होंरें नशामुक्त जम्मू-कश्मीर अभियान तैहत अज्ज बडगाम च आयोजित इक पदयात्रा च हिस्सा लैता। इस मौके उनें भरोसा दोआया जे इस कबैतू कन्ने निब्बड़ने लेई प्रशासन पूरे धैड़यै कन्ने कम्म करा'रदा ऐ। एहदे लेई हर कुसै गी इकजुट होने दी लोड़ ऐ। इस मौके पर बोलदे होई उपराज्यपाल होंरें बसनीकें, परोआरें, समाजी संगड़नें ते सियासी ते आध्यात्मिक नेताएं गी जिले च नशीले पदार्थें दी माड़ी कबैतू खलाफ जिले च अभियान गी मजबूत करने पर जोर पाया। इस मौके पर उनें औपचारिक तौर पर परेंट्स ब्रिगेड हर गांs ते कस्बे च कायम करने दी घोशणा कीती।

इस जतन तैहत अभिभावकें गी तैयार कीता जाहग जे ओह एहदे शुरूआती लक्षणें दा पता लाई सकन ते पीड़ितें दी पुर्णबहाली च पूरी मदद करी सकन।

<><><><><><>

Pradhan-IIT Madras

शिक्षा मंत्री धर्मेन्द्र प्रधान होरें देश च इक मजबूत अनुसंधान ते नवाचार पारिस्थितिकी तंत्र दे निर्माण दे प्रति सरकार दी प्रतिबद्धता गी दोहराया ऐ। नमीं दिल्ली च अज्ज आई.आई.टी मद्रास तकनीकी शिखर सम्मेलन गी संबोधित करदे होई प्रधान नै नवाचार संचालित नतीजे देने लेई भारत दे अनुसंधान पारिस्थितिकी तंत्र गी अपनाने दी जरूरतें पर जोर दिता।

<><><><><><>

IPL

आई.पी.एल च मेजबान दिल्ली कैपिटल्स अज्ज शामी अरुण जेटली स्टेडियम च चेन्नई सुपर किंग्स कन्नै मुकाबला होगं मैच संझा साइडे 7 बजे शुरू होग। जंदी रातीं मुम्बई इंडियनस नै लखनउ सुपर जायंट्स गी 6 विकटें कन्नै हराया हा। 229 रन दे लक्ष्य दा

पिच्छा करदे होई मुम्बई इंडियन्स नै 18.4 ओवरें च 4 विकटें दे नुकसान पर जित हासिल कीती।

<><><><><><>

MPs-Prez Meet

बीजेपी सांसद राघव चड्ढा, अशोक मित्तल, संदीप पाठक ते राजेंद्र गुप्ता होरें अज्ज राष्ट्रपति भवन च राष्ट्रपति द्रोपदी मुर्मू हुंदे कन्नै मलाटी कीती ते पंजाब च कथित तौर पर आप सरकार आसेआ सरकारी ताकतें दे गलत इस्तेमाल पर चिंता जाहिर कीती। बैठक मगरा संवाददाताएं कन्नै गल्लबात करदे होई राघव होरें पंजाब सरकार पर राज्यसभा दे सांसदें गी निशाना बनाने दा आरोप लाया जेड़े आप छड्डिए बीजेपी च शामिल होए न। तोआई, पंजाब दे मुख्यमंत्री भगवंत होर बी हाल च गै आप दे राज्यसभा सांसदें दे बीजेपी च शामिल होने दे सरबंध च राष्ट्रपति हुंदे कन्नै मिले। संवाददाताएं कन्नै बोलदे होई मान होरें आखेआ जे आप सांसदें दा बीजेपी च शामिल होना गैर संवैधानिक ऐ ते उनें इनें सांसदें गी राज्यसभा थमां अयोग्य करार दिते जाने दी मंग कीती ऐ।

<><><><><><>

Weather

भारती मौसम विभाग नै मध्य प्रदेश, विदर्भ ते छत्तीसगढ़ च अगले दो दिनें दरान हल्की थमां दरम्याने दर्जे दी बरखा दे कन्नै बद्दल गरजने, बिजली कड़कने ते अंधी झकखड़ चलने दी पेशगोई कीती ऐ। उत्तर प्रदेश, झारखंड, ओडिशा, छत्तीसगढ़, आंध्र प्रदेश, मध्य प्रदेश ते गंगीय पच्छिम बंगाल दे किश हिस्सें च बी इये ज्नेह् हालात दिक्खने गी लब्बी सकदे न।

<><><><><><>

Bihar-Weather

बिहार च तूफान, बरखा ते बिजली कड़कने दी बक्खरी-बक्खरी घटनाएं च कल 12 जनें दी मौत होई गेई। पूर्व चंपारन जिले च 5 मौतां, ओरंगाबाद च 4 ते गया जिले च 3 मौतां होइयां न। मुखमंत्री सम्राट चौधरी होरें इनें घटनाएं पर दुख जाहिर कीता ऐ। उनें सौगी परिवार आस्तै 4-4 लक्ख रपे दी माली मदाद दी घोशणा कीती ऐ।

<><><><><><>

Weather

जम्मू-कश्मीर दी केई थाहरें पर कल होई दी हौली बरखा ते तेज ब्हाएं दे बाद हून इलाके च मौसम आमतौरा पर खुश्क रौहग। मौसम विभाग दा आखना ऐ जे 6 मई

कोला 9 मई तगर पूरे इलाके च मौसम आमतौरा पर खुशक बने दे रौहने दे इमकान न।
अधिकारियें दस्सेआ जे किश चिरे लेई खराब मौसम दे बाद हून हालात स्थिर रौहगंन।

<><><><><><>